

蛾

術

編

城術編卷四十

嘉定王西莊先生原本

吳江

迨鶴壽參校  
沈楸惠校刊

說地四

冀州梁岐非呂梁狐岐

禹貢冀州壺口治梁及岐壺口上連孟門下控龍門固  
爲阨要處而下言梁岐鄭注梁山在左馮翊夏陽岐山  
在右扶風美陽西北于此言梁岐者治水從下起以襄  
水害易也僞孔傳亦云梁岐在雍州宋晁以道辨論謂  
梁爲呂梁岐爲狐岐皆冀州山非雍州山蔡沈從之愚

謂梁非呂梁也水經注云河水左得湍水口湍水出善  
無縣故城西南八十里西流歷呂梁之山而爲呂梁洪  
其巖層岫衍河流激盪大禹所闢以通河也司馬彪曰  
呂梁在離石縣西續漢志并州西河郡離石縣下並無此言今于縣西歷山  
尋河竝無過岨至是乃爲巨嶮卽古呂梁矣在離石北  
以東可二百餘里水經云河水又南過河東北屈縣西  
注云孟門山與龍山相對大禹疏通又南出龍門口注  
云大禹導河疏決梁山謂斯處也卽經所謂龍門矣魏  
土地記曰梁山北有龍門山大禹所鑿以通孟津河口  
廣八十步巖際鐫迹遺功尚存詳玩道元之說于湍水

一條則言呂梁于北屈一條則言孟門于龍門一條乃  
言梁山且明指此爲禹所疏決則知道元竝未指呂梁  
爲梁山且呂梁在壺口之上壺口又在梁山之上道里  
秩然絕不相溷自晁以道取道元兩說強合爲一蔡沈  
宗之故集傳云梁山呂梁山也在石州離石縣東北而  
又誤以此山卽左傳穀梁爾雅之梁山案道元言呂梁  
在善無之西南離石之東北據魏書地形志恒州善無  
郡善無縣漢屬雁門後漢屬定襄天平二年置郡來屬  
此縣自隋以下茫昧不可得詳其離石則卽明之石州  
改名永寧州者州東北一百里有骨節山

一作穀穰山  
與太原府交

城縣接界俗稱呂梁山

其去河尚遠鄴注乃有河流激盪之言意

者古今地勢變易故陵谷頓殊但就其說原未指爲禹

貢梁山何得妄事援引

今河曲縣西南二十五里天橋峽有禹鑿之迹天將陰雨激浪

如雷與鄴注所言相似但南去離石四百餘里又朔平縣平魯縣西亦有呂梁山近志以鄴氏所言當之則更

在河曲之北去離石愈遠

尸子呂氏春秋淮南子皆言龍門未闢呂

梁未鑿河出孟門之上詳三子所言呂梁疑卽鄴注之

呂梁蓋離石西南距孟門雖遠旣爲河流激盪則當其

未鑿而爲孟門之害亦無足怪元和志唐初分離石地

置孟門縣孟門關在縣西當亦因三子及鄴注之言遂

令離石之縣與關俱蒙孟門之名耳非孟門與離石必

相連接也然則爾雅毛詩三傳之梁山此禹貢梁山也尸子呂覽淮南酈注之呂梁此別自一山也蔡傳皆合而一之其妄甚矣岐亦非狐岐也蔡亦惑于晁以道遂于集傳誤其語云狐岐之山勝水所出東北流注于汾在今汾州介休縣酈道元云後魏于狐岐置六壁防離石諸胡今六壁城在勝水側實古河逕之險阨案狐岐山今在孝義縣西八十里盤村原一名薛頡山與介休縣接界與經及岐無涉而蔡謬云云其妄尤甚總之永寧州之呂梁去河二百餘里孝義縣之狐岐去河三百餘里若謂堯時洪水懷襄大河汎濫至此二山下須禹

治之尚可蔡竟指爲河流扼要處與龍門無異而曰二  
山河水所經治之所以開河道不幾眯目而道黑白乎  
胡渭不信而闢之詳見雖指可云卓識近日戴震號爲  
善于經惜不守家法于此梁岐棄鄭注不從反遵宋人  
妄譚此甚非也鶴書蔡禹貢一書先分列九州之山川所以表每州之界限也後總敘九州之山川所以見脈絡之貫通也由冀而沈而青而徐而揚而荆而豫而梁而雍所以詳施功之次第也冀州爲開  
卷第一州而卽雍州之山必無此理故戴東原謂  
汾西河東自燕京別而南離石水所出曰梁山在今山  
西汾州府永寧州東北百三十里東接交城縣界北連  
赤嶺嶺接嵐縣界西踰豁谷爲臨縣一名呂梁舊說以  
梁岐爲雍州山非也禹貢先言壺口以見龍門西河就  
治次言梁岐梁岐之西水歸于河梁岐之東水歸于汾  
此二山爲汾川以西羣山自北而南之脊舉之以見汾  
西河東其地就治不得謂壺口一役兼及雍州也況韓

城之梁山雖近河而渭北之岐山遠隔在漆沮涇水之西誠使越漆沮涇水至于岐下則雍州自渭以北所當治者幾于備舉矣然謂禹貢梁岐卽今永寧州之呂梁孝義縣之孤岐亦有未盡蓋赤洪孝文呂梁劉王岷諸山實一山之盤回嵒嶺孤岐高堂玉泉諸山亦一山之盤回禹貢之梁岐統名也呂梁孤岐特其中之一耳蔡仲默取晁以道說而援據悉謬一引爾雅左氏殺梁證晉山宜屬冀州皆非離石呂梁一引呂覽本出尸子亦見淮南所稱呂梁未鑿雖後人失其所在而離石縣之呂梁西距河百五十餘里隔越重山不濱于河無事疏鑿一引水經注其本文云河水左合一水出善無縣故城西南八十里西流歷千呂梁之山而爲呂梁洪在離石北以東可二百有餘里後人以保德州河曲縣西南二十五里之天橋峽爲道元所謂呂梁洪訛水經注自北而南之次第攷之地望適協其地有禹鑿之跡河自東勝州轉而西南流八十里至河曲縣西北轉而西流九十里逕天橋峽下至保德州西五十里折而南逕興縣西又南百七十里至臨縣界道元言呂梁洪在離石北以東可二百餘里蓋據河至離石縣界爲言因西流乃轉南故曰以東其指天橋峽無疑司馬彪言呂



梁在離石縣西者卽今永寧州北之呂梁徒因離石縣  
有呂梁山而河行離石之西故云在縣西實未深攷道  
元引而辨之則以離石西界河無遏阻故溯流而上以  
求其地是道元以尸子呂覽淮南所言不在離石而遠  
在其北也蔡氏援以蓋呂梁在離石正與其說相刺謬  
宜乎閭百詩胡朏明不之取耳黃櫨之南勝水所出曰  
岐山在今孝義縣西百里一名孤岐西接寧鄉縣界北  
連薛顓嶺接汾陽縣界其南坳曲開曰盤重高原東谿  
瀾俗呼北川東入勝水由原左轉連岡而南曰高唐山  
東北距孝義縣治七十餘里其南麓谿瀾俗呼南山東北  
六壁府北東入勝水又連岡而南迤東曰玉泉山東北  
距縣治六十餘里山之東北麓谿瀾俗呼左水者是爲  
勝水逕六壁府南又東台南北二川自薛顓至玉泉實  
一山盤屈而下古通謂之岐山蔡仲默言岐山在介休  
縣取山海經孤岐之山勝水出焉而東北流注于汾水  
者綴其下又引水經注云云案之本文乃云勝水西出  
孤岐之山東逕六壁城南魏朝舊置六壁于其下防離  
石諸胡因爲大鎮勝水又東合湯泉水川也又東逕中  
陽故城南又東合文水文水又東南入于汾中陽故城  
卽孝義縣治是山海經水所逕注之孤岐在今孝義縣

西宋熙寧五年省孝義入介休元祐元年復置孝義則不當繫之介休也蔡氏又言今六壁城在勝水之側實古河運之險阨不知北魏初河東岸離石吐京之地萬山簇擁悉向奴五部餘眾所居至狐岐以東汾川左右地勢坦平故于此置六壁立為鎮戍以防狐岐以西黃河以東山寇西距黃河二百餘里不可謂為河運之險阮梁狐岐之西始為今臨縣永寧州及寧鄉石樓二縣山在四州縣之東而蔡氏謂二山河水所經治之以開河道則將置此四州縣峻峯鉅嶺萬山簇擁者于何地乎然山海經言勝水注于汾而水經注言注文水則因汾川東西轉徙驗之近事數年以前原公水以下諸路湖皆自達于汾不與水經協今則皆入文水一如道元所見矣乃知禹貢惟壺口為治河之事而梁岐則治分之事也閻百詩胡朏明咸以梁岐為雍州山夫禹貢先分別九州初非于其間又牽合治水之先後緩急也使冀州施功西兼及雍且遠踰漆沮湮水而西不啻大半治之則南亦可兼及豫東亦可兼及沈豈無相連之勢施功同時者乎戴氏之說確然可據先生則專主鄭學故以為妄耳

秦魏必爭之地惟河西爲要

七國趙都邯鄲今縣屬直隸廣平府韓都上黨今縣屬

山西潞安府

此韓舊都後滅鄭徙都之今河南開封府新鄭縣

而魏都安邑今

縣屬山西解州此魏舊都也三國之境皆與秦接壤而

魏則并國都亦與密邇矣然河山之險足恃故魏所急

者惟在河西蓋黃河自積石至龍門而南至華陰東至

底柱禹迹古今不變也至春秋則此地爲秦晉分界所

必爭者攷龍門漢志在馮翊夏陽縣北又司馬遷傳遷

生龍門耕牧河山之陽後魏志云夏陽縣有龍門山隋

改縣曰韓城卽今縣屬陝西同州府縣北五十里有龍

門山此黃河西岸之山與東岸山西吉州之壺口山隔

水相望司馬遷傳所謂河山之陽也此下南出龍門口

汾水從東來注之又南至華山北而東行西岸爲陝西

同州府潼關廳

南則河南陝州聞鄉縣

東岸爲山西蒲州府永濟

縣此皆在禹貢雍冀二州分界春秋則秦晉分界戰國

則秦魏分界昌黎詩云條山蒼河水黃浪波汙汙去松

柏在高岡中條條太行之支上連壺口今解州及蒲州

府正在中條之麓俯瞰河流讀昌黎詩可想其形勝

王阮

亭蓮洋詩選敘河中爲郡當兩介之首形勝冠寓中記

稱太華中條本爲一山巨靈顯掌華趾裂開爲二以

通河流禹貢之壺口雷首龍門

僖十五年傳晉惠公求

世鑑堂

秦穆公納已許賂秦河外列城五東盡虢略南及華山內及解梁城旣而不與杜預曰河外河南也東盡虢略從河南而東盡虢略也解梁城今河東解縣也愚謂虢卽閭鄉解縣卽今州此惠公求入迫而妄許果爾秦且越河而東深入晉地晉幾無以立國此歸國後所以悔而不與厥後戰于韓爲秦所獲復縱之歸于是秦始征晉河東置官師焉至此晉惠已懾服不敢校秦深入晉地矣至晉文公則英武非惠比城濮之戰子犯曰戰而不捷表裏山河必無害也見僖公二十八年傳杜預曰晉國內河而外山文公子襄公又能敗秦于殽晉日以

強霸甚久想河西日漸恢拓魏文侯繼之史記吳起傳  
魏文侯以爲將擊秦敗五城文侯以爲西河守以拒秦  
文侯卒起事其子武侯起自論功曰守西河而秦兵不  
敢東鄉戰國策魏武侯與大夫浮于西河稱曰河山之  
險豈不信固哉王鍾傳曰此晉國之所以強也吳起因  
言地形險阻必宜修政武侯曰善西河之政專委之子  
矣凡依河爲國者但守河險與敵共則危故必守河西  
吳起時當必屯列戍深入河之西境尚書禹貢黑水西  
河惟雍州爾雅釋地西河曰雖州禮記王制自東河至  
于西河千里而近檀弓子夏退而老于西河之上

子夏  
爲魏

文侯師想通館此魏所以拒秦史記秦世家秦用商君

就見常在河西河東地至河此魏興衰大關頭蓋自秦取少梁少梁即漢

夏陽縣今韓城縣其時秦已逼河至虜公子卬東地至

河而魏但保河之東北岸西南二面皆入秦安邑雖非

臨河然既不能有河西秦渡河而東百餘里即造其國

都梁惠王乃渡河而南遷都大梁今河南省城開封府

祥符縣也史記集解徐廣曰大梁今汴州後儀也推大梁所以得名

蓋因釋山梁山晉望也此即禹貢冀州及大雅韓奕之

梁山想惠王必因此而更名夏陽爲少梁此蓋自晉文

公直至魏文侯武侯關地至此名以少梁者居然以晉

之望山名河之西界既被秦取不得已而南遷無聊之  
思仿少梁稱大梁窮蹙甚矣當魏盛時西則跨河而有  
河西南則面河而制河南此子犯魏武侯與司馬遷所  
以皆言河山若大梁則無險可恃惠王云喪地于秦七  
百里古里小于今僅得今里大半王又甚言之約計喪  
河西地亦有二三百里讀書而不通古今不識地形則  
何貴讀書人子足未至山陝展卷之下猶能揣量讀孟  
子者宜知之

鶴壽案秦襄公始列爲諸侯僅有岐西之地至穆公而河東置官守則河西之地盡

爲秦有矣及至戰國魏文侯六年城少梁十六年伐秦  
築臨晉元里十七年西攻秦築維陰郅陽三十二年敗  
秦于注此見于史記魏世家者而吳起傳又載擊秦敗  
五城之事然則魏之得河西自吳起始也衛鞅曰魏居



嶺阨之西都安邑與秦界河而獨擅山東之利秦孝公八年與魏戰元里有功十年衛鞅為大良造將兵圍安邑降之二十二年衛鞅擊魏公子卬二十四年與魏戰岸門虜其將魏錯然則秦之復河西自衛鞅始也魏既不能保河西亦豈能保安邑不得已而有大梁之遷然魏之大勢去矣其地四平諸侯四通幅廣無名山大川之限從鄭至梁二百餘里車馳人走不待力而至故蘇代曰秦正告魏我舉安邑塞女戟韓氏太原卷我下軹道南陽封冀邑兩周乘夏水浮輕舟張勢在前跋戈在後決樊口魏無大梁決白馬之口魏無外黃濟陽決宿須之口魏無虛頓邱陸攻則擊河內水攻則滅大梁其言豈不深切著明哉

### 長安

漢高帝紀車駕西都長安師古曰長安本秦鄉名案地理志長安高帝五年置當是自取美名史記作關中班氏以關中地廣都在長安故追改之

鄭縣新鄭

漢地理志京兆尹鄭縣周宣王弟鄭桓公邑其說甚明

白而臣瓚乃謂周自穆王都西鄭不得以封桓公桓公

爲周司徒寄孥于虢會幽王既敗滅會滅虢居鄭父之

邱是以爲鄭桓公無封京兆之文師古駁之謂穆王無

都西鄭事桓公死幽王之難其子武公始東遷新鄭是

矣案說文鄭周厲王子友所封宗周之滅鄭徙澠洧之

上今新鄭是也河南郡屬縣有新鄭特加新字所以別

于京兆之鄭爲桓公始封邑也兗州山陽郡之鄭則與

此無涉

鶴壽案竹書紀年云穆王元年築祗宮于南鄭穆天子傳云吉日丁酉天子入于南鄭此詳氏

所本紀年注云穆王以下都于南鄭薛氏云都于西鄭  
則是薛氏所見紀年非今本也南鄭在今陝西漢中府  
南鄭縣東漢志漢中郡南鄭縣水經沔水篇云沔水東  
過南鄭縣南注云縣故褒附庸也者舊傳云南鄭之號  
始于鄭桓公桓公死于犬戎其民南奔故以南鄭為稱  
惠氏禮說云有鄭故加南何與于鄭桓公穆王嘗以  
南鄭為別都故紀年謂築祇宮也西鄭在今同州府華  
州北史記鄭世家云宣王二十二年桓公友初封于鄭  
漢志京兆尹鄭縣鄭桓公邑詩檜鄭譜宣王封母弟友  
于宗周歲內咸林之地世本居篇作械林者是也惟紀  
年則云宣王二十二年錫王子多父命居維則在今商  
州又云晉文侯二年周厲王子多父伐鄭克之乃居鄭  
父之邱名之曰鄭則在今河南開封府新鄭縣北故薛  
氏謂桓公未封京兆而惠半農謂天子畿內不以封也

南陵沂水

南陵沂水出藍田谷北至霸陵入霸水霸水亦出藍田  
谷北入渭師古曰茲水秦穆公更名以章霸功視子孫

沂音先歷反視讀曰示京兆安得有沂水嘉定錢坫獻  
之云據水經注漣水篇說文水部沂水當作漣水錢說  
是顏乃讀沂爲先歷反則以此爲音析謬甚唐初本已  
誤矣鶴壽案封禪書稱秦都咸陽霸漣長水皆非大川以近咸陽盡得祠之沂水爲漣水之訛除說文水  
經注外上林賦張揖注云霸出藍田西北而入渭漣亦出藍田谷北至霸陵入霸是亦未說爲沂也水道提綱  
曰霸水上源卽藍水也出藍田縣藍關之西南山秦嶺  
經西安府境東而北有漣水西南自太乙山東南之西  
王谷嶺及秦嶺三源合而北流又東北流來會旣合漣  
水東北至高陵縣南境入渭曰霸口觀此益知沂水之  
爲漣水  
無疑矣

王嘉平陵人光祿勳于永除爲掾察廉爲南陵丞師古  
曰南陵縣名屬宣州案南陵薄太后陵耳漢南陵屬京

兆其屬宣州者係唐縣乃漢丹陽郡之春穀縣地也南  
監版無此注殆校者因其舛謬刪去之

雒

宏農郡上雒禹貢雒水出冢嶺山東北至鞏入河過郡  
二豫州川過郡二謂宏農河南也

豫州川職方豫州其川榮雒是也鞏縣入

河漢時水道後世洛口東移矣

阿陽

平原郡阿陽天水郡亦有此縣錢大昭以為名同愚謂  
五行志成帝過河陽主作樂見舞者趙飛燕幸之外戚  
傳趙飛燕微時屬陽阿主家成帝微行過陽阿主見說

之召入宮師古曰陽阿平原縣俗書阿作河又或爲河  
陽皆後人妄改趙明誠金石錄載李翕碑云漢故武都  
太守漢陽阿陽李君後漢漢陽郡卽前漢天水郡係明  
帝改名碑當時所作必不誤外戚傳連稱陽阿亦當無  
謬據師古注及碑校之似平原當作陽阿天水當作阿  
陽後漢書宋均傳均之族子意拜阿陽侯相注云阿陽  
故屬天水郡郡國志漢陽郡有阿陽縣然則天水之縣  
名阿陽甚明而青州平原郡則不復有阿陽亦無所謂  
陽阿者疑是光武建武六年所省并錢說誤也

鶴奇案  
先生據

外戚傳以爲平原之阿陽當作陽阿似矣今案水經河  
水注云河水又北逕平原縣故城東地理風俗記曰原

博平也故曰平原矣縣故手原郡治漢高帝六年置河水又東北逕阿陽縣故城西漢高帝六年封郎中萬祈為侯國應劭曰涇陰縣東南五十里有阿陽鄉故縣也據此則平原郡亦有阿陽縣錢氏之說不誤

### 涇水過郡三

安定郡涇陽开頭山在西禹貢涇水所出東南至陽陵入渭過郡三行千六十里雍州川案毛詩邶風谷風疏引鄭康成尚書注所引地理志作行千六百里且其上丈先說涇水自發源至入渭幾二千里禹貢疏所引地理志亦作千六百里今毛刻及南監皆作六十誤也過郡三謂安定此下原關二字京兆也雍州川見職方鶴壽案涇水自安定郡涇陽東南流逕右扶風漆縣左焉邠雲陽谷口也陽至陽陵入渭班氏所謂過郡三者安定右扶風左焉邠

也後漢以陽陵改屬京兆尹鄭氏所引地理志陽陵上有京兆二字涇水所過凡有四郡漢明帝嘗詔伏無忌黃景作地理志蓋東漢別有其書康成所引者不必是班志今先生所解者班志而所引者東漢志自然有三郡四郡之異而又不取違背鄭注故上著安定二字以合班志下著京兆二字以遵鄭注中閒空出二字則三郡四郡可以隨便過去

### 河水過郡十六

金城郡河關積石山在西南羌中河水行塞外東北入塞內至章武入海過郡十六行九千四百里章武屬勃海河所過郡據鄭康成尚書注當爲金城天水武威安定北地朔方五原雲中定襄雁門西河上郡河東馮翊河南河內魏郡鉅鹿東郡清河平原信都勃海凡二十



三郡此言十六疑有關漏詳後案

鶴書案錢獻之新駁注地里志作過郡十

九不數魏郡鉅鹿清河信都勃海而有千乘又云河自

今洛縣內黃湯陰安陽臨漳魏縣成安肥鄉曲周平鄉

廣宗鉅鹿南宮新河冀州東鹿深州衡水武邑武強阜

成縣交河青縣靜海大城寶坻至天津入海乃是過

魏郡鉅鹿

等郡矣

### 六郡良家子

趙充國以六郡良家子善騎射補羽林師古曰六郡隴

西天水安定北地上郡西河也東方朔傳建元三年上

始微行與待詔隴西北地良家子能騎射者期諸殿門

則隴西北地固在六郡之數餘四郡無所見而馮奉世

傳武帝末奉世以良家子選爲郎奉世上黨人而云良

家子然則六郡中何以無上黨疑師古注未確

### 京兆下邳

錢大昭曰隸續劉寬碑陰永安長京兆下圭駱伯彥

又有京兆下圭六人前志京兆有下邳今郡國志無疑

司馬氏脫此一縣或中葉以後省案鄭縣注引黃圖云

下邳縣并鄭桓帝西巡復之此志本據永和五年其時

已省下邳至桓帝始復而劉寬碑立于靈帝中平二年

錢云司馬脫非也謂中葉省是也據此可見郡國皆載

永和五年

鶴壽案下邳在今陝西西安府渭南縣北錢

獻之曰應劭謂秦武公伐邾戎置有上邳故

稱下蘇林音邾爲圭余謂武公伐邾戎不聞遷其人于

此封禪書稱櫟陽兩金秦獻公自以爲得金瑞故作哇

時于櫟陽而祀白帝疑畦字從圭而邾字亦從圭櫟陽下邾其地境相涉此下邾之邾當為畦時之畦也今案劉寬碑陰作下圭則錢氏之說信矣水經注云渭水又東逕下邾縣故城南是漢順帝時無此縣而桓帝時已復之也

### 漢安郡

安帝永初中置扶風都尉居雍縣獻帝省都尉分置漢安郡此志于都尉本略不載故雍縣下無都尉而獻帝所置則以此志據永和故不載

### 雒縣

廣漢郡雒縣州刺史治案劉焉傳益州刺史郝儉在政煩擾益州賊馬相殺縣竹令進攻雒縣殺郝儉是州刺

史治雒縣之證也

街東街西

舊唐書地理志關內道皇城南大街曰朱雀街街東五十四坊萬年縣領之街西五十四坊長安縣領之新唐書百官志稱為左右街此街各坊唐時第宅園亭寺觀

皆在載宋敏求熙寧長安志近日畢氏沅

太倉鎮洋人總督兩湖兵

卽尚書兼右都御史

已刻之予爲敘白樂天凶宅詩云長安多大

宅列在街西東唐詩鼓吹注云街東西諸坊及西市多王公貴戚之家杜牧街西長句云碧池新漲浴嬌鴉分鑠長安富貴家游騎偶同人鬥酒名園相倚杏交花銀

鞦韆裏嘶宛馬繡鞅聰瓏走鈿車云云此皆言街東西  
第宅園亭之盛也韓昌黎華山女詩云街東街西講佛  
經撞鐘吹螺開宮庭早赴街西行香詩云天街東西異  
祇命遂成游老僧情不薄僻寺境還幽云云此言街東  
西寺觀之盛也昌黎又有題張十八所居詩云君居泥  
溝上溝濁萍青青東雅堂韓集某氏注云張籍居長安  
西街孟東野所謂西明寺後窮瞎張太祝也張籍酬昌  
黎詩云西街幽僻處正與嬾相宜杜牧又有雪晴訪趙  
嘏街西所居詩嘏山陽人其書齋雪後詩鄉遥路難越  
云云此必嘏在街西所居中作可知羈孤者參錯其閒

非盡烜赫者也又街西池館見李義山詩云白閣他年  
別朱門此夜過疎簾畱月魄珍簟接煙波太守三刀夢  
將軍一箭歌國租容客旅香熟玉山禾此義山夜訪友  
于館畱宿作一二敘與其人昔別今訪三四館中夜景  
玩下半首似今日都會處會館或一省或一府一縣釀  
金買屋作士商公寓官亦居之而京官未必居居者大  
約皆外官文武兼有故云太守將軍但國租云云似當  
時別有一種公項資糧隸于官中以供客者似猶有古  
制郊里之委積以待賓客野鄙之委積以待羈旅之遺  
意而今不可攷矣

鶴書案此條并下西明寺等五條略見三輔黃圖熙寧長安志先生所徵

引者不過唐人詩文無關  
典要姑從原本錄之而已

### 西明寺

西明寺在街西蘇頌長安西明寺碑略云慶明元年仲  
秋詔于京兆延康里置西明寺三藏法師元奘住以繩  
度還而墨順次命少監沈謙之傾水衡之錢徹河宗之  
府鉤北阜之鳥伐南山之枝初歷落以星峙忽空崇以  
靈曼攢拱爰葉騫薨宛轉叢倚觀閭層立殿堂珠綴竚  
窳璇題照燭琉璃洞徹菡萏紛敷白日爲之隱蔽丹冕  
爲之舒簷者凡十二所每動微風滴細雷窅然若來和  
鎗然有去音悉豐麗博敞崢嶸曠朗奕奕焉耽耽焉中

國之莊嚴未有大荒之神異所絕于是移叨利之宮鎮  
菩提之座遂賜田園百頃淨人百房車五十兩絹二千  
疋徵大德高僧凡五十人行業童子凡一百五十人上  
御安福觀以遣之駢象馬錯人龍幡幢之陰周四十里  
伎樂之響震三千界紅粟腐積黃金巨萬行天厨之寶  
舉泛海岸之雕驢我開元神武皇帝御十方四載極上  
下神永伊護法者其聖王乎觀碑所言其侈淫如此造  
孽何涯白樂天有西明寺牡丹詩云前年題名處今日  
看花來又有重題西明寺牡丹詩此寺後則張籍所居  
籍病目故云窮瞎也溫庭筠亦有題西明寺僧院詩云



爲每名盡來過院因訪閑人得看棊而大中八年陸展  
書咸通四年劉鏞書漳州陀羅尼經幢敘亦言西明寺  
僧順貞譯此經新唐書柳公權傳嘗書京兆西明寺金  
剛經有鍾王歐虞褚陸諸家法

### 華陽觀

白樂天華陽觀詩自注華陽公主故宅有舊內人存焉  
所謂頭白宮人墮影堂者也又有華陽觀桃花招李六  
拾遺飲詩華陽觀八月十五日夜玩月詩春中與盧周  
諒華陽觀同居詩重到華陽觀舊居詩蓋樂天子應舉  
時曾居之唐文粹有歐陽詹玩月永崇里華陽觀詩敘

李義山有贈華陽宋真人兼寄清都劉先生詩又有月  
夜重寄宋華陽姊妹詩偷桃竊藥事難兼十二城中銷  
綵蟾云云攷南部新書云新進士翌日排建福門候謁  
宰相有詩曰華陽觀裏鐘聲起建福門前鼓動時則知  
應舉者多居觀中諸人皆以試事居此其中必有廣庭  
層樓故樂天義山與歐陽詹皆言玩月之事又金石文  
字記有華陽觀王先生碑于敬之謨王元宗正書先生  
名軌字洪範

### 東門

漢唐時州郡多在京師之東士大夫游宦于京者出入

皆取道東門漢疏廣受傳廣受東海蘭陵人宣帝時父  
子竝爲大傅少傅移病乞骸骨上許之公卿大夫故人  
邑子設祖道供張東都門外蘇林曰長安東郭門也東  
方色青亦名青門邵平以故東陵侯種瓜青門外號青  
門瓜是也三輔黃圖云長安城南出東頭第一門曰覆  
盎門

駱山人池亭

出東門行不遠有駱山人池亭唐語林云駱浚者度支  
司書手李吉甫擢用之典郡有令名于春明門外築臺  
榭食客皆名人盧申州題詩云地甃如拳石谿橫似葉

舟云云蓋浚雖出胥吏頗好事且愛客池亭幽雅恰在  
大道旁出京者初程逆發解鞍憩此有家口寄京者先  
寄信回然後前進入京者以至此離京密邇或須先遣  
僕往摒擋一切亦歇馬焉計吉甫用浚必在憲宗元和  
中卜築亦在此時白樂天于穆宗長慶初自中書舍人  
出守杭州有過駱山人野居小池詩云茅覆環堵亭泉  
添方丈沼紅芳照水荷白頸銜魚鳥門前車馬客奔走  
無昏曉名利驅人心賢愚同擾擾自注棄官居此李義  
山于文宗太和九年有宿駱氏亭寄懷崔雍崔兗詩云  
竹塢無塵水檻清相思迢遞隔重城云云劉得江亦太

和開成聞人有冬日駱家亭子詩云亭臺臘月時松柏  
見貞姿林積煙藏日風吹水合池云云

### 商山

白樂天長慶二年自中書舍人出守杭州初出京卽有  
五松驛詩此驛在長安東李義山亦有五松驛詩云獨  
下長亭念過秦云云自是而東則爲商山樂天赴杭州  
有登商山詩有鄧州詩商鄧一連也後白由忠州刺史  
拜尚書郎回京亦取道商山義山商於新開路詩六百  
商於路崎嶇古共聞云云此貞元七年刺史李西華所  
開也其自桂管歸破帆壞槳于荆江中遂改從陸路至

商洛則云昔去真無奈今還豈自知青辭木奴橘紫見  
地仙芝云云又歸墅云行李逾南極旬時到舊鄉楚芝  
應徧紫鄧橘未全黃云云又商於詩云商於朝雨霽歸  
路有秋光背塢猿收栗投巖麝退香云云其從蜀中柳  
郢幕歸有九月於東逢雪詩云舉家忻共報秋雪墮前  
峯嶺外他年憶於東北日逢云云若四皓廟詩甚多略  
舉其二有羽翼殊勲棄若遺云云一首有本爲畱侯幕  
赤松云云一首亦因出京入京屢經其廟故耳又溫庭  
筠經商山卻寄昔同行友人曾讀逍遙第一篇云云通  
首皆曠達語總因商山爲入京必由之路故失志者其

言如是又有商山早行詩所謂雞聲茅店月人跡板橋  
霜且爲口實也義山又有送豐都李尉詩云萬古商於  
地憑君泣路岐固難尋綺季可得信張儀雨氣燕先覺  
葉陰蟬遽知望鄉尤忌晚山晚更參差蓋李尉從京中  
閱盡苦辛方得山南東道南賓郡豐都縣尉一官出京  
行至商山突遇一拐兒爲其所給盡喪資斧飲泣路岐  
故義山贈之詩言旣不能遁世高隱如綺季豈可妄信  
張儀之詐乎二事皆商洛事也因言燕與蟬尚能先知  
嘆李尉之不覺其欺結言今已無奈尤忌山晚望故鄉  
彌增怛怛耳蓋商洛爲近京地亦猶今日之天津欺詐

之人所叢集故其言如此



蛾術編卷四十終

蛾術編卷四十一

嘉定王西莊先生原本

吳江

連鶴壽參校  
沈琳惠校刊

說地五

朱圉

導山朱圉鄭云地理志朱圉在漢陽疏云地志天水郡  
冀縣禹貢朱圉山在縣南鄭言漢陽者前志云天水郡  
明帝改曰漢陽續志亦云漢陽郡武帝置爲天水永平  
十七年更名有冀縣朱圉山鄭據後漢志故與前志異  
也蔡傳乃云朱圉地志在天水郡冀縣今秦州大潭縣

也宋大潭故城在今西湖縣西南本漢隴西郡西縣地  
蔡遂以宋之大潭爲漢之冀縣非也又據九域志建隆  
三年秦州置大潭縣熙寧七年以大潭改隸岷州至蔡  
氏時又已改隸西和州乃又誤云秦州大潭縣其于本  
朝州縣建置一概茫然尤謬鶴壽案朱圉山在今甘肅鞏昌府伏羌縣西南漢地理志云天水郡冀縣禹貢朱圉山在縣南梧中聚五行志所謂冀南山也蔡氏以宋之大潭爲漢之冀縣固謬然其謬亦有自來通典云天水郡上邽縣有朱圉山元豐九域志云秦州成紀縣有朱圉山又云岷州大潭縣有朱圉山蔡不深攷遂仍其謬

### 華山

華山禹貢凡三見導山太華蔡傳云地志在京兆華陰

縣南今華州華陰縣二十里也無論京兆下脫尹字仍  
疏誤且元和太平二志竝云華陰縣南八里此無南字  
便不能句又改為二十里荒謬至此鶴壽案華山在今  
陝西同州府華陰  
縣南十里西山經云太華之山削成而四方其高五千  
仞其廣十里名山記云華山與首陽本一山河神巨靈  
摩開以足分爲兩山以通河流故掌與聊述存焉張衡  
西京賦稱高掌遠跡是也蔡氏謂華陰縣二十里縣下  
本係南字偶  
誤二字耳

### 岍岐荆

導山導岍及岐至于荆山逾于河鄭云地理志岍在右  
扶風疏云地理志吳岳在扶風岍縣西古文以爲汧山  
岐山在美陽縣西北荆山在懷德縣三山皆在雍州逾

于河謂山逾之也案鄭引地志云云者疏引前志文漢  
汧縣唐汧源縣隴州治明省縣入今爲鳳翔府之隴州  
州南三里有汧縣故城疏又引岐山在美陽縣西北者  
漢志美陽縣禹貢岐山在西北中水鄉疏又引荆山在  
懷德縣者漢志左馮翊懷德縣禹貢北條荆山在南下  
有彊梁原今朝邑縣有懷德故城乃西漢舊縣荆山在  
其境也蔡傳引漢志汧縣改爲岍縣又云今隴州吳山  
縣吳嶽山也吳山宋省當云吳山舊縣蔡又引晁氏曰  
今隴山天井金門秦嶺皆古岍也攷括地志岍山在隴  
州汧源縣西六十里東鄰岐岫西接隴岡汧水出焉是

隴與汧爲一猶可若天井山在今隴州南一百里金門山又在州南百四十里其山如門渭水經焉皆與汧無涉至秦嶺雖大要以在今藍田縣商州者爲正與終南是一不與汧爲一蔡非也又按續志無懷德縣省併也故城在朝邑而富平復有懷德故城者寰宇記謂後漢末及三國時因漢舊名于此立縣爲名晉移富平來治後魏復徙去故有故城存其實與西漢舊縣無涉也隋地理志因之誤載荆山于富平縣李吉甫元和志云在富平西南二十五里宋敏求長安志云在縣西南二十里皆謬也今朝邑縣治基頗高在彊梁原上當卽宋時

舊址土人謂原卽荆山北麓其東麓則臨于河卽禹貢  
荆山無疑蓋水經注言洛水東南歷彊梁原今朝邑有  
洛水歷彊梁原入渭原在荆山下而富平縣無洛水一  
證也彊梁原爲荆山之麓一名朝坂一名華原山在朝  
邑縣西繞縣西而北而東以絕于河古河壩也故曰至  
于荆山逾于河若富平則東距河二百餘里與經意不  
合二證也蔡傳于雍州荆岐旣旅云荆山地志在馮翊  
懷德縣南今耀州富平縣掘陵原也此正沿襲謬說迨  
明三原馬理伯循又以荆山爲卽三原之嵯峨山游談  
無根尤不足辨又按漢郊祀志公孫卿曰黃帝采首山

銅鑄鼎荆山下晉灼云山在懷德縣唐志則云在號州

湖城縣元和志同湖城元省入閬鄉今仍之唐志與晉

灼說異未知何據其字從水此係孔氏古文則不當作

灼漢志荆山下有強梁原水經注引作荆渠原淮南子

之南下有荆漂原古字荆疆相通則作荆為正渠梁字

形相近故漢志誤渠為梁渠為梁渠古文作漆又與漂相似故

高誘謂渠梁為漂幸有水經注可證也黃帝鑄鼎之荆山

晉灼謂在懷德縣與漢志同新唐書地理志云號州湖

城縣有覆釜山一名荆山于是元和郡縣志太平寰宇

記諸書咸為荆山在湖城縣南謂黃帝鑄鼎于荆山之

下後名其地為鼎湖即此邑也今希湖城縣即漢京兆

尹之湖縣故曰胡武帝建元元年更名湖則安得以為

即鼎湖史記封禪書云黃帝鑄鼎既成有龍垂胡髯下

迎黃帝故名其處曰鼎湖三輔黃圖云鼎湖宮名章昭

曰地名近宜春則安得以為即湖城推原其故蓋因湖

城之荆山本名覆釜山而黃帝嘗合符于釜山故執轉



終南惇物烏鼠

終南惇物至于烏鼠鄭云地志終南惇物皆在右扶風武功縣案武功故縣在今鳳翔府郿縣東四十里惇物山在今武功縣東南二百里蔡傳云終南地志在扶風武功縣今永興軍萬年縣南五十里也惇物在扶風武功縣今永興軍武功縣也終南蔡欲貼漢武功縣言當作今鳳翔府郿縣界有故武功城終南山在郿縣南三十里若萬年縣當蔡氏時久更名樊川矣至以漢武功縣爲宋永興軍武功縣尤妄宋武功乃漢隸美陽二縣

地豈得指爲漢故縣當亦作今鳳翔府郿縣界有故武功城悼物山在其東烏鼠山地志在隴西首陽縣西南今在甘肅蘭州府渭源縣西蔡傳引地志云云而云今渭州渭源縣西也此乃以唐之州縣言若蔡欲舉本朝輿地則當云今熙州渭源堡方合

涇屬渭汭

涇屬渭汭鄭云涇水渭水發源皆幾二千里然涇小渭大屬于渭而入于河地理志云涇水出今安定涇陽西開頭山東南至京兆陽陵行千六百里入渭案鄭引前志涇陽故城在今甘肅平涼府治平涼縣西南開頭山

在縣西一百里涇水出東南流逕華亭涇州長武邠州  
淳化永壽醴泉涇陽高陵諸州縣入渭陽陵故城在高  
陵縣西南二十里鄭所云涇入渭處也汭說文云水相  
入也鄭召誥注云汭隈曲中也雍州有二渭汭此渭汭  
漢高陵縣地後渭汭漢懷德縣地今朝邑高陵者涇渭  
二水之會也懷德者何渭二水之會也均爲水相入均  
爲水之隈曲也至蔡傳則云涇渭汭三水名屬連屬也  
涇水連屬渭汭二水也黃氏震曰古說涇入于渭水之  
內而漆沮旣從灃水攸同皆主渭言之文意俱協若以  
汭爲一水而入涇則涇屬渭汭者是涇旣入渭汭又入

涇下文漆沮之從灋水之同孰從孰同邪職方氏其川  
涇汭易祓曰汭非禹貢之汭禹貢言汭皆水內此川名  
鄒季友曰涇水先會汭水後入渭水則經當言涇屬汭  
渭不當先渭而後汭況下文卽有渭汭事字不可異說  
蔡傳非是鄭注職方云汭在豳地且引詩以證其箋詩  
則云芮之言內不以爲水名周禮疏云詩箋芮之言內  
今爲水名者蓋周公制禮之時以汭爲水名猶禹貢太  
岳至周爲霍山也然則汭爲水名始于周公公劉時尚  
未有況禹貢乎

鶴壽案漢志云右扶風郿縣汭水出西

北東入涇詩芮汭雍州川也此以芮爲  
水名阮爲水厓也詩公劉云芮鞠之卽箋云芮之言內  
也水之內曰汭水之外曰鞠就淵水之內外而居也此

以芮鞠俱為水產而以水為淵水也疏云夏官職方氏  
注言內在幽地詩曰芮鞠之即蓋注禮之時未詳詩義  
故為別解今案芮水出今甘肅平涼府華亭縣西隴山  
之東麓東北流逕崇信縣西北與別源會別源出涇州  
靈臺縣五馬山曰逕渠川別源既會又逕涇州合揗水  
蒲川水三文水至邠州長武縣曰宜祿川逕停口鎮東  
人謂芮在渭之上流固與禹貢之渭汭無涉然謂公劉  
時無此名至周公始名之恐未必然芮亦雍州之大水  
豈夏禹主名山  
川而獨遺之乎

### 漆沮既從

雍州漆沮既從此漆沮乃地志出扶風漆縣西之漆水  
導渭節內漆沮即馮翊之洛水二漆沮不同大雅縣云  
自土漆沮箋云公劉遷幽居漆沮之地周頌潛云猗與  
漆沮傳云岐周之二水也疏云漆沮自幽歷岐周以至

豐鎬然則毛鄭雖分言漆沮其實一也據幽譜疏引杜預云幽在新平漆縣東北則鄭箋云漆在幽者卽漢志所云在漆縣者矣疏以導渭之漆沮非自土漆沮則雍州之漆沮卽縣自土漆沮潛特與漆沮可知矣周禮雍州之浸曰渭洛詩小雅瞻彼洛矣毛傳洛宗周漑浸水宗周者西周也西周洛水其名別出與東周之洛全無干涉非漆沮而何然則以漆沮爲洛毛詩是其明證胡先生以爲起自孔傳非也孔傳于此但言漆沮之水于導渭則言漆沮亦曰洛水出馮翊北則亦以雍州漆沮爲扶風導渭漆沮爲洛水胡先生欲合二漆沮以爲一

乃強指此節疏所引扶風漆水爲未定之論失于刊正  
厚誣孔氏矣要而言之扶風漆縣西一漆也元和志麟  
遊縣東南亦是漆水又一漆也二漆之中必有一沮在  
麟遊之漆當是沮水土俗音譌以爲漆耳

此段胡先生  
雖指于節取

入後此二水一則注涇以入渭一則合杜岐雍以入渭

皆在涇水之西而導渭云又東會于涇又東過漆沮則

漆沮乃在涇水之東疏于此節解爲扶風漆沮于導渭

分屬馮翊洛水極確

鵠壽素西山經云崧次之山漆水  
出焉北流注于渭郭璞以爲漢杜

陽之俞山漆水說文云漆水出右扶風杜陽岐山東入  
渭水經岐山作俞山鄠道元引開山圖云岐山在杜陽  
北長安西有渠謂之漆渠漆渠合岐水橫水東注雍又  
合杜水南注渭此漆水出今陝西鳳翔府麟遊縣東北

漢志云右扶風漆縣漆水在縣西關駟十三州志云漆水出漆縣西北至岐山東北入渭北漆水出今邠州西南其實乃一水耳上源出嶺地漢漆縣以水得名西南流至岐地南漢杜陽美陽縣境而入渭縣詩云率西水此詩源委自幽至岐漢志舉其上源說又舉其近源耳幽之漆在右扶風長安之西無洛名涇東之漆在左馮翊長安之東一名洛縣疏于幽之漆牽混入一名洛之漆大謬至潛云猗與漆沮是亦在幽而流至鎬者與縣之沮漆爲一無洛名也縣疏又于沮漆之是一是二如有疑而不定者殊爲混目

### 原隰

原隰底績鄭注詩云度其隰原卽此原隰是也原隰幽



地按公劉遷豳此經底績亦是治豳地之水今陝西邠州及三水縣皆豳地原隰在此又詩小雅云薄伐玁狁至于太原朱子以爲今太原陽曲縣呂氏讀詩記嚴氏詩緝竝同顧氏日知錄云漢志安定郡有涇陽縣後漢靈帝紀段熲破先零羌于涇陽唐章懷注涇陽屬安定郡在原州元和郡縣志原州平涼縣本漢涇陽縣地今縣西四十里涇陽故城是也然則太原當卽今之平涼後魏立爲原州亦是取古太原之名周人禦玁狁必在涇原之間若晉陽之太原在大河以東距周京千五百里豈有寇從西來兵乃東出者乎國語宣王料民于太

原亦以其地近邊而爲禦戎之備必不料之于晉國也  
胡氏雖指云漢安定郡治高平縣後廢元魏及唐爲原  
州治廣德元年沒吐蕃節度使馬璘表置行原州于靈  
臺縣之百里城貞元十九年徙治平涼縣西去故州一  
百六十里故州卽元開縣今固原州也太原當在州界  
獫狁侵及涇陽而薄伐之以至太原蓋自平涼逐之出  
塞至固原而止也顧說微誤閻氏潛邱劄記云寇有來  
路亦有去路其逐而出之卽從其來路獫狁侵鎬及方  
至于涇陽三地名皆在雍州則太原亦當在雍州宣王  
料民于太原與詩太原同一地然近代說詩有指原州

者名起後世古未必有原名惟鄭注禹貢原隰底績詩  
度其隰原其地在幽近是按顧胡閻皆謂太原非陽曲  
而顧謂在今平涼縣胡謂在今固原州閻謂太原卽原  
隰則在今邠州在平涼者誤胡駁之是矣而以爲固原  
者攷漢安定郡治高平縣後廢元魏世祖太延二年置  
高平鎮孝平帝正光五年改置原州領二郡治高平郡  
之高平縣是則先有縣而後有州高平曰原州以縣名  
高平得名非以古之太原得名則此說殊不足據當以  
閻氏說爲正

鶴壽案閻氏以原州爲名起後世未必是詩之太原似矣但以太原爲詩之原隰其地去周京僅四百里與劉向所謂千里之遠不協今案詩稱嚴狁匪如整居焦獲毛傳云焦獲周地接于獫狁

者蓋在今甘肅平涼府固原州西北郭璞謂在扶風池  
陽縣鉢中非是鄭箋云獫狁今匈奴也顧氏謂太原在  
涇陽西北卽今之固原州嘗以山海經證之其說良是  
海山南經云匈奴開題之國列人之國竝在龍馬西北  
今固原州西南有馬鬣山是獫狁在固原州西北之明  
證也固原州西北爲蘭州府之靖邊縣寧夏府之中衛  
縣焦獲接于獫狁蓋在其處而獫狁更在其西北焦獲  
在雍州境內獫狁在雍州境外其侵周也先入境居焦  
獲乃東侵鎬方又南至涇陽詩稱至于太原謂逐而出  
之境也關氏不審地之遠近而以邢州之原隰爲太  
原非是

### 岷山

梁州岷嶓旣藝鄭云地理志岷山在蜀郡湔氐道案志  
此下尚有西徼外字續志同史記集解引鄭注而割裂  
之也漢湔氐道唐爲松州嘉誠縣今爲龍安府松潘廳

岷山在廳西北二百二十里江源所出距廳尚遠豈得謂江所出之岷山卽在湔氏道漢志蜀郡有汶江縣郭璞注山海經遂言岷山今在廣陽縣西江所出廣陽晉所更漢汶江縣之名郭說已誤蔡傳遂云岷山地志在蜀郡湔氏道西徼外今茂州汶山縣江水所出也案隋地理志汶山郡左封縣有汶山臨洮郡臨洮縣有岷山元和志岷州湓樂縣南有岷山是岷山所在甚多但不得以爲江源所出耳漢志分明處在西徼外三字裴駰刪去已非郭璞移之汶江更誤至蔡氏直以湔氏徼外與茂州汶山并而爲一此謬而又謬者也汶山今改汶

川仍屬茂州蔡傳又引晁氏曰蜀以山近江源者通爲  
岷山青城天彭諸山環繞皆古之岷山青城乃其第一  
峯也止首二句足存餘乃增改杜光庭游青城山記殊  
無當于經旨鶴壽案中山經云岷山江水出焉東北流注于海畢氏新校正云岷山在今四川茂  
州東南俗以爲在松潘廳邊外者非山海經言岷山之  
首曰女兒山又東北三百里曰岷山女兒山卽隋志所  
謂雙流縣女伎山今茂州在雙流縣之北故知當見此  
岷山也漢人所言徽外亦止茂州不得其遠今案此亦  
好爲翻新  
之論耳

江原至夏水

岷山導江東別爲沱荊州之夏水也此段水經甚略今  
爲補正并錐指經與注溷及所在縣名不的確處一一

辨之水經岷山在蜀郡氏道縣大江所出東南過其縣

北郡注益山在徽外江水所導東南下百餘里至曰馬

自人彭關東逕汶關歷氏道縣北又逕汶江道又東別

爲沱開明之所鑿也又歷都安縣又逕臨邛縣又逕江

原縣都江水出焉又東北逕郫縣下又東逕成都縣又

東逕廣都縣業氏道今四川松潘衛治汶江今茂州開

明七國時杜宇之相此汶江禹時所無都安明灌縣臨

印今邛州江原今崇慶州郫水首受江卽梁州之沱郫

縣成郫卽今治廣都又東南過犍爲武陽縣青衣水沫

水從西南來合注之郡注鄒江至武陽注江江水自武

江會案武陽今眉州及新津仁壽井研三又東南過犍

縣地南安今樂山夾江犍爲洪雅犍爲縣地又東南過犍

道縣北若水淹永合從西來注之犍道今又東過江陽

縣南洛水從三危山東過廣魏雒縣南東南注之江陽

今富

順澶州幼漢江又東過符縣北邪東南鰓部水從符關

東北注之邪東當作又東北至巴郡江州縣東強水涪

水漢水白水宕渠水五水合南流注之案江州今巴縣

亦其地漢水即嘉陵水巴水下流為宕渠又東至枳縣

西延江水從牂柯郡北流西屈注之鄉注江水東至雞

治又東歷平都峽又逕虎鬚灘又東逕臨江縣南案枳

忠州西臨江今又東過魚復縣南夷水出焉又東逕胸

忍縣故城南又東逕永安宮南又東逕諸葛亮圖壘南

又東南逕赤岬城西又東逕魚復縣故城南縣有夷谿

即很山清江也經所謂夷水出焉又東逕廣谿峽三峽

之首也中有瞿唐灘禹鑿以通江案胸忍縣今雲陽葛

縣永安宮城今奉節縣治縣南有八陣國東有赤岬城

北有魚復縣故城經言魚復縣注言故城實一地江關

戎行扁



在今魚復縣南又東過巫縣南鹽水從縣東南流注之郡注江

還巫縣故城南又東還巫峽又東還石門離案巫縣又故城在今巫山縣東北石門山名在今巴東縣東北又

東過秭歸縣南又東還信陵縣南按今歸州治即秭歸

故城丹陽城在州東又東過夷陵縣南鄉注江水自建

信陵縣亦在州東又東還宜昌縣北又東還西陵峽歷

峽東還流頭灘又東還故城州上有吳步關所築城又

新江出峽東南流還故城州上有吳步關所築城又

東還陸抗城又東歷荊門虎牙之閒棄空冷峽在今歸

州東南三十里流頭灘在今宜昌府東湖縣界宜昌縣

故城在縣西陵峽在縣西北斷江山在縣西南步關

故城今宜昌府治陸抗故城在東湖縣東南江南岸虎

牙山在縣東又東南過夷道縣北夷水從很山縣南東

北注之夷道故城在今宜都縣西又東過枝江縣南沮

水從北來注之鄉注江水又東還上明城北荆州刺史

桓冲築江沱枝分東入大江縣治州丁

故以枝江為稱自縣西至上明東及江津中有九十九  
州案據注上明在枝江之西經注各為起訖不相屬也  
雖指不能辨經注之西經故以上明在枝江之下并云  
上明在松滋縣界今松枝乃在枝江東則上明不在松  
滋界可知桓冲事見晉書本傳就彼傳及此經注枝江  
在江北上明在江南今枝江松滋皆在江南則縣治已  
移也又東過江陵縣南此兩分爲南北江也又東逕江陵  
縣故城南有江津口江大自此始又東逕郢城南又東  
得豫章口夏水所通也案校回洲在江陵縣西南六十  
里江陵故城即今荊州府治江陵縣東北又東至華容  
洲分流至此復合郢城在今江陵縣東北又東至華容  
縣西夏水出焉鄭注江水左逕爲中夏水案此即漢地  
百里者此正合爾雅水自江出爲沱之文故鄭注荊州  
之沱引此當之然則此經所謂東別爲沱者于梁則江  
原之郢江于荊則夏水兼是二水而言之華容故城在  
今監利縣界鶴壽案先生所校正者即據載東原所  
校水經注本也然于經文不無錯誤經云又東出江關  
入南郡界在又東過魚復縣南夷水出焉下而涸入注

古今悉  
酌定

### 江水過郡七

漢地志蜀郡湔氐道禹貢岷山在西徼外江水所出東南至江都入海過郡七行二千六百六十里案江水所經於漢爲蜀郡犍爲巴郡南郡長沙江夏豫章廬江丹陽會稽廣陵凡十郡一國而志云過郡七蓋江都在江北據北岸言之故不數南岸長沙豫章丹陽會稽也閻若璩曰水經江水東過夷陵縣南注說宜昌縣流頭灘引袁山松曰自蜀至此五千餘里千寶晉紀吳使紀陟如魏司馬昭問吳成備幾何對曰西陵至江都五千七

百里宜昌今宜都縣在西陵之東自江發源松潘至此  
四千四五百里西陵今宜昌府治東湖縣自此至江都  
不過四千里山松與陟言皆夸然共計亦當有八千餘  
里二當作八閤說精絕

### 胸忍

巴郡胸忍師古音劬續志同韓昌黎盛山十二詩敘作  
胸忍通典卷一百七十五同說文肉部有胸字無忍字  
不知何時譌爲胸忍讀爲蠢閏徐氏援入新附注云蟲  
名漢中地下溼多此蟲因以爲名恐後人妄造

鶴壽素  
漢胸忍

縣在今四川夔州府雲陽縣西六十里關驛十三州志  
作胸忍云胸音春忍音閏音書音義引如淳云胸音蠢

今案胸不宜音春豈字或作胸耶然後漢西岳華山亭碑鄧陽令曹全碑竝作胸忍則翩翩如淳之說非也

嶓冢山

嶓冢禹貢凡三見梁州第一見鄭云在漢陽西案漢志隴西郡西縣禹貢嶓冢山西漢所出南入廣漢白水東南至江州入江續志西縣改屬漢陽郡鄭據當代也但漢有東西導水歷敘東漢源流首言嶓冢導漾東流爲漢則東漢亦出嶓冢然漢志于氏道言潏水出至武都爲漢于武都言東漢水受氏道水一名沔于沮縣言沮水源流沮水卽漢水又沔陽縣應劭注沔水出以上四條皆言東漢不言嶓冢續志亦惟于西縣言嶓冢山西

漢水鄭于此注亦但舉西縣之嶠冢此必古經師相承舊說也至後魏于漢沔陽縣地置嶠冢縣魏收作地形志遂于此縣載嶠冢山而李吉甫杜佑則于上邽縣金牛縣分列兩嶠冢唐上邽卽漢西縣金牛卽漢沔陽縣地然則漢有二嶠冢亦有二東西分出意者東漢上源從氐道來逐路納衆流以成川非始出沔陽之嶠冢故班志鄭注皆不著此山若西縣山實西漢源故專舉之與至導水以西縣之嶠冢爲東漢源者西漢流至通谷與東漢會然後東漢自東西漢自南而西漢至葭萌縣又有一水從沔陽東漢分支從漢壽西南流來穿石穴

出至此又與西漢合然後西漢再西南行至江州入江  
論水則西漢是別東漢是主故經詳言東漢而卽以嶠  
冢冠之者因下流潛源以目漢源也論山則沔陽之嶠  
冢非東漢始源故略之而西縣之嶠冢實西漢源故班  
志鄭注專舉之欲見是山爲水源也此爲定論乃蔡傳  
則云嶠冢山地志云在隴西郡氐道縣漾水所出又云  
在西縣今興元府西縣三泉縣也蓋嶠冢一山跨于兩  
縣云此條之謬不可勝言漢氏道縣今不知所在地志  
但云漾水所出竝無嶠冢山字蔡以嶠冢在氐道之語  
爲出自漢志其謬一漢西縣在宋爲西和州宋興元府

之西縣爲漢漢中郡沔陽縣地隋始改爲西縣下至宋  
仍之漢西縣西漢水所出隋宋西縣東漢水所出蔡乃  
誤認兩西縣爲一其謬二宋三泉縣漢廣漢郡葭萌縣  
地正東漢所在蔡指爲漢氏道縣而謂嶓冢一山跨氏  
道西縣二境其謬三展轉迷惑疑誤孔多總之導山導  
水所言皆爲東漢梁州潛水則爲西漢經旣竝著二漢  
則此嶓冢當兼二漢所出而言鴻壽案禹貢明言嶓冢  
導漢東流爲漢則嶓冢  
爲漢源經有明文何必以漢志等四條不言嶓冢而送  
難也漢志云龍西郡西縣禹貢嶓冢山在西氏道縣禹  
貢漢水所出東至武都爲漢嶓冢山在今甘肅秦州西  
南六十里西縣故城在州西南百二十里蓋山在縣東  
北漢志誤作西也秦州南至隋州成縣二百六十五里  
武都故城在縣西北水經禹貢山水澤地篇云嶓冢山



在氏道縣南則氏道故城當在今秦州西故漢志稱養  
水東至武都言東即兼南也然則嶓冢山在西縣東北  
養水出其東北隅則在氏道縣南今為秦州地東南流  
為漢水則在武都縣東北今為成縣地漢志又云武都  
郡沮縣沮水出東狼谷北沮水之別源東至青羊驛與漢水  
西漢中府略陽縣東北沮水逕縣東至青羊驛與漢水  
合水經河水注云沔水出東狼谷東南流注漢曰沮口  
所謂沔漢也禹貢云嶓冢導漾東流為漢東北流得嶓  
水口庾仲雍曰是水南至關城合西漢水又東北合沮  
口同為漢水之源也沮口近青羊驛在今漢中府沔縣  
西關城即陽平關在縣西北漢水逕成縣東北東北流  
得嶓冢水口成縣東為秦州徽縣是嶓冢水口在徽縣北也  
嶓冢水既受漢水從徽縣南流經略陽縣西與西漢水通  
折而東流至沔縣西與沮水合是嶓冢水即漢水自沔縣  
而上其源流如此先生徒舉李吉甫諸家之說以相結難故略節之

導山第二見導嶓冢至于荆山今姑置勿論鶴壽案欲

出當定嶓冢所在則于此條胡弗辨之曰嶓冢在  
漢之西縣不在唐之金牛兩言足抵千百言矣

導水第三見嶓冢導漾東流爲漢鄭云地理志漾水出隴西氐道至武都爲漢至江夏謂之夏水案鄭引前志文志又云武都郡武都縣東漢水受氐道水一名沔過江夏謂之夏水入江與氐道一條正相足又云沮縣沮水出東狼谷南至沙羨入江荊州川續志則云武都郡沮縣沔水出東狼谷前志既以沮爲荊州川而職方荊州川有江漢無沮是沮卽漢氐道武都在今成縣西北沮縣今爲略陽縣然則漾漢沔沮四名同實東狼谷雖別源實一水也鄭又云至江夏謂之夏水者此是下文滄浪之水句義于此連言之欲見此水隨地異名以證

始爲漾東爲漢也漢中郡沔陽縣應劭曰沔水出至武昌東南入江沔陽縣今沔縣自略陽東南約三百里至沔縣然則彼志氏道武都沮縣沔陽四條原流是一言入江處曰江夏曰沙羨曰武昌亦一也

此節經注疑義紛如者前志于隴西郡西縣下注云禹貢嶓冢山西漢所出而此經所敘的係東漢乃以爲導自嶓冢此大疑所從出也今案東漢是正派西漢是別原此經所敘東漢源流據志發源氏道東至武都又東至沮縣又東至沔陽漢氏道屬隴西郡武都縣爲武都郡治二郡之境大約在今鳳縣兩當之西秦州之北蓋

隴氏皆是但氏道漾水至武都爲東漢莫有能言其所經者惟自沮縣以下差爲顯白水經沔水篇云沔水出武都沮縣東狼谷中東過南鄭縣南以今輿地言之自略陽縣南寧羌州北流逕沔縣西南合沔水又東逕沔縣南褒城縣南南鄭縣南爲漢水經所謂導漾水東流爲漢也其冠以嶓冢何也水經敘西漢源流云出嶓冢山東南至廣魏白水縣西又東南至葭萌縣東北與羌水合又東南過巴郡閬中縣又東南過江州縣東東南入于江鄭注謂西縣嶓冢山西漢水所導也西流與馬池水合又西南合楊廉川水又西南逕始昌峽又西南

逕宕備戍南又西南逕祁山軍南又西逕蘭倉城南又南入嘉陵道而爲嘉陵水東南逕瞿堆西又屈逕瞿堆南又東南逕濁水城南又東南逕脩城道南又東南于槃頭城南與濁水合又東逕武興城南又西南逕關城北又西南逕通谷又西南寒水注之又西逕石亭戍又逕晉壽城西又南合漢壽水以下與經至廣魏云云略同以今輿地言之秦州西和禮縣成縣略陽寧羌廣元昭化劍州蒼溪閬中南部蓬州南充定遠合州巴縣諸州縣界中皆西漢水所經也以上所敘雖皆專主西漢其中合濁水則與東漢通矣逕通谷又與東漢通矣至

寒水注之則卽潛也西漢出自山源似非漢別但從沔  
陽伏流至葭萌者的係漢別之潛而此潛旣與西漢合  
則通西漢上源皆得名潛故鄭梁州注言潛蓋漢西出  
嶓冢云云又言漢別爲潛流與漢合卽爲西漢云云以  
見潛沔通流故可以西漢之山源冠東漢首也後人有  
疑于此乃因應劭于漢志沔陽縣下注云沔水出而謂  
東漢實以此爲始源遂于此地別指一山爲嶓冢後魏  
于此置嶓冢縣地形志于此系以嶓冢山意以禹貢嶓  
冢實卽此山而西縣之嶓冢乃西漢發源元和志云嶓  
冢山一在秦州上邽縣西南五十八里漾水之所出東

流爲漢水一在興元府金牛縣東二十八里漢水出焉  
經南鄭縣南禹貢嶓冢導漾東流爲漢是也今攷後魏  
嶓冢縣故城在今陝西漢中府沔縣白馬城東南五里  
卽漢沔陽縣地唐上邽縣故城在今甘肅秦州西南鞏  
昌府西河縣東卽漢西縣地金牛縣在今漢中府寧羌  
州西北亦漢沔陽縣地漢志漾水出氐道是東漢非西  
漢吉甫乃于上邽言之特沿襲水經耳通典亦云秦州  
上邽縣嶓冢山西漢水所出經嘉陵曰嘉陵江經閬中  
曰閬江漢中金牛縣嶓冢山禹導漾水東流爲漢水亦  
曰沔水蓋自南北朝人勑立此論唐人因之胡氏錐指

漫據陸放翁王阮亭筆記欲定嶓冢在今沔縣金牛驛  
北與寧羌州相連此等野文何堪闢入經義而閻氏謂  
親至秦州嶓冢山下山不甚高而峯岫延長連屬若邱  
冢問其土人寧羌州山如何愕然曰從金牛驛北望見  
嶓冢山峨然雲表豈敝地之山所能作其兒孫乎水自  
西東流卽所謂嶓冢導漾者也尤爲荒誕不經鶴壽案  
敘西漢  
源出嶓冢者班志耳禹貢但言潛水竝不及西漢也卽  
鄭氏注經所謂漢別爲潛者亦但指廣漢一水從沔陽  
分派通岷潛出其下流入于西漢耳其稱卽爲西漢仍  
指廣漢言也西漢一水水經僅述其下流鄭注補敘其  
上流原是各爲一書竝非解釋禹貢先生必欲全引  
之者意在尊崇鄭注其實鄭意何嘗以潛爲西漢邪

蔡傳漾水名水經曰漾水出隴西郡氐道縣嶓冢山東



至武都

遺沮縣爲漢水五字

常璩曰漢水有兩源此東源也卽禹

貢所謂嶓冢導漾者其西漢出隴西嶓冢山會泉始源

曰沔逕葭萌入漢東源在今西縣之西西源在今三泉

縣之東也酈道元謂東西兩川俱出嶓冢而同爲漢水

者是也水源發于嶓冢爲漾至武都爲漢今案常璩華

陽國志曰漢水有二源東源出武都氐道縣漾山爲漾

水禹貢導漾東流爲漢是也西源出隴西嶓冢山會白

水逕葭萌入漢始源故曰漢沔而蔡氏所引割裂顛倒

文義盡失白水二字誤合爲泉始源曰沔易置四字于

逕葭萌入漢之上殊爲可笑常璩別誤漾山之名以西

源爲沔說太支蔓其分別兩源則是也王象之輿地紀勝引宋朝郡縣志云今之言漢水以西縣之嶓冢山爲源此卽後魏之嶓冢縣隋更名西縣者非漢隴西之西縣今在秦州境者也

周廢西縣入上邽隴西之西縣絕已久矣

蔡氏云東源

在今西縣之西亦似從郡縣志主隋之西縣而謂西源在今三泉縣之東則大非三泉本漢葭萌縣地唐武德初分置三泉縣今在寧羌州西北金牛驛西六十里北距隴西嶓冢山六百餘里而謂西源在三泉之東相去懸絕總由不知宋之西縣非漢之西縣故輾轉迷惑終無是處鄼所謂兩川俱出嶓冢者疑亦分指沔陽西縣

各有一山而言蔡氏誤認皆在漢中故又實其言以爲東源出嶓冢山東則當在西縣之西西源出嶓冢山西則當在三泉之東是謂東西兩川俱出嶓冢而同爲漢水云爾而不知其舛錯爲已極也又云水源發于嶓冢爲漾至武都爲漢夫武都縣遠在漢中之西北兩源既竝出漢中豈復有西北流至武都者哉蔡氏岷嶓旣訖傳云嶓冢山地志云在隴西氏道縣漾水所出又云在西縣今興元府西縣三泉縣也蓋嶓冢一山跨于兩縣云今案漢志氏道無嶓冢水經始有之西縣亦屬隴西與隋之西縣相去懸絕而蔡氏云一山跨兩縣蓋以興

元之西縣爲隴西之西縣又以興元之三泉當隴西之  
氐道也既不知有二西縣又不知有二嶓冢故此傳云  
東源在今西縣之西西源在今三泉縣之東大抵東源  
出漢中唐宋人皆有此誤而謂西源亦出漢中則自蔡  
氏始

沱潛旣道

梁州沱潛旣道鄭云二水亦謂自江漢出者地志蜀郡  
郫縣汶江及漢中安陽皆有沱水潛水其尾入江漢耳  
首不于此出江原有郫江首出江南至犍爲武陽又入  
江豈沱之類與潛蓋漢西出嶓冢東南至巴郡江州入

江漢別爲潛其穴本小水積成澤流與漢合大禹自廣漢疏通卽爲西漢水也故曰沱潛旣道案地志蜀郡郫

縣禹貢江沱在西東入大江

蔡傳誤作江沱在東西入大江

郭璞爾雅

音義云沱水自蜀郡都安縣湔山與江別而東流今成都府灌縣東有都安故城此卽漢志之江沱後人謂之郫江此江起今灌縣西南至雙流縣北岸合流江所行不過三百餘里源流短狹又與沱自江出之義不合故鄭不取也又有沱水在蜀郡汶江縣西南東入江近志以威州玉輪江當之玉輪江卽汶水出岷山西玉輪坂非首受江者不可謂沱漢志所言蓋卽縣虎縣界開明

所鑿郭璞云玉壘作東別之標者

蔡傳引此而曰漢文江縣今永康軍導江

縣也案漢汶江縣在宋為茂州汶山縣地

故鄭不取也蜀郡江原縣鄒水首

受江南至武陽入江元和志劔南道蜀州唐興縣本漢

江原縣地鄒江經縣東二里在今崇慶府曰首受江正

與江水為沱合故鄭以此為沱之類也漢中郡安陽縣

鬻谷水出西南北入漢

蔡傳引此脫去北字

安陽縣今為陝西興

安州漢陰縣

蔡傳云漢安陽縣今洋州真符縣當作今金州漢陰縣

此鬻谷乃谷

名水名由谷而得不得直名鬻水水經以此為涪水曰

漢水東過魏興安陽縣南涪水出自旱山北注之是尾

入漢非首受漢故鄭不以為潛水爾雅自漢出為潛馬

融云其中泉出而不流者曰潛是潛與沱不同沱分派  
別行者也潛伏流重出者也鄭云潛蓋漢西出嶓冢東  
南至巴郡江州入江云云者前志云隴西郡西縣禹貢  
嶓冢山西漢所出南入廣漢白水東南至江州入江志  
以爲西漢水不名潛而鄭指作潛者西縣嶓冢所出雖  
是西漢鄭因東漢有別出而伏流之潛從廣漢葭萌入  
西漢以達于江故連西漢始源亦目爲潛也荊州疏引  
郭璞爾雅音義云有水從漢中沔陽縣此卽東漢今漢中府沔縣東南  
有沔陽故城南流至梓潼漢壽入大穴中通峒山下西南潛  
出一名沔水舊俗云卽禹貢潛也漢壽卽漢廣漢郡葭

萌縣蜀先主改名漢壽屬梓潼郡晉又改晉壽

故城在今保寧

府昭化

括地志云潛水今名龍門水源出縣谷縣

晉太

縣東南

分晉壽縣地置興安縣隋改名縣谷隋志縣谷縣有龍

門山是也

唐因之明改廣元縣屬保寧府今因之東北

接陝西

東龍門山大石穴下元和志云潛水出利州縣

谷縣龍門山書曰沱潛旣道是也山在縣東北八十二

里寰宇記縣谷縣龍門山亦名蔥嶺山引梁州記云蔥

嶺有石穴高數十丈其狀如門俗號爲龍門今四川保

寧府廣元縣東北龍門山是潛水自此入穴通山伏流

重出歷昭化劍州蒼溪閬中南部

按屬保寧府

蓬州南充

並屬

順慶府

合州至巴縣

並屬重慶府巴縣漢已郡江州縣今府治

入大江然則西



縣嶓冢所出本是西漢非潛水下流與潛合則源流皆

可稱潛故鄭云卽爲西漢水廣漢卽指葭萌鄭舉郡言

耳水經桓水注云葭萌西漢鄭康成所謂潛水是也鶴壽

案潛在今四川保寧府廣元縣前已引朱思菴說詳正

之矣沱在今成都府崇慶州西北五十里漢志云蜀郡

江原縣鄒水首受江南至武陽入江江原故城在今灌

縣境華陽國志云縣在郡西渡大江漢文井江去郡一

百二十里說文云鄒江原地水經注云江源縣鄒江水

出焉蓋江以地得名也太平寰宇記云鄒江一名阜黑

水自青城縣西分爲二一流東循灌城曰北江一流東

大江自灌縣西分爲二一流東循灌城曰北江一流東

南逕崇慶州至新津縣曰南江新津本漢犍爲郡武陽

縣地李膺益州記云阜黑江津之所曰新津市周地圖

記云閼帝元年于此立新津縣蓋阜黑水至崇慶州西

北受大江至新津縣東復入江卽梁州之沱也自漢以

來皆以經成都者爲大江其南流者曰鄒水李吉甫謂

鄒江卽阜江與溫江分爲二宋元以來遂以阜江爲正

源今溫江縣西金馬河即卓江正流也

漢志又有一潛水在巴郡宕渠縣西南入江

雖指云入江當作入

潛案北江為嘉陵江即漢也

水經亦云潛水出巴郡宕渠縣南入于

江注云今有大穴潛水入焉通岡

蔡傳引此誤作

山下

西南潛出謂之伏水或以為古之潛水鄭康成曰漢別

為潛大禹自廣漢疏通即為西漢水庾仲雍云墊江有

別江出晉壽縣即潛水也鄭又云宕渠水即潛水出南

鄭縣南巴嶺謂之北水東南流逕宕渠縣謂之宕渠水

又東南入漢案宕渠故城在今順慶府渠縣界渠江在

縣東其源出自巴州小巴嶺西南流逕蓬州東南逕營

山縣西南逕廣安州至重慶府合州入嘉陵江此水雖名爲潛而出自山源不出于漢況所引入穴通山云云卽取郭璞漢壽潛水之語順文臆度而此水實未入穴通山所引鄭康成庾仲雍二條係漢壽之潛水與宕渠無涉酈乃移彼入此舛謬甚

和夷

和夷底績鄭云和夷和上夷所居之地也和讀曰桓地志桓水出蜀郡蜀山西南行羌中紫鄭以和爲水名和讀曰桓古者和有桓音也地志以蜀山繫郡下不繫縣下蓋徼外山也元和志茂州通化縣本漢廣柔縣地蜀

山在縣東北六里廣柔故城在今威州西通化縣今無  
可攷大約在今茂州之保縣及威州界內蜀山在此與  
湔氐道岷山相連水經注云岷山西傾俱有桓水岷山  
桓水卽蜀山桓水也

蔡傳云和夷地名嚴道以西有和川有夷道或其地也  
案夷道卽漢志南郡之夷道縣宋爲宜都縣今屬荊州  
府夷水所經也遠在嚴道以東二千餘里何云嚴道以  
西況在荊州域乎又引晁氏曰和夷二水名和水今雅  
州榮經縣北和川水自蠻夷羅岷州東而而字蔡來逕誤作西  
蒙山所謂青衣水而入岷江者也夷水出巴郡魚復縣

東南過佷山縣南又東過夷道縣北東入于江案夷水  
卽漢志南郡巫縣之夷水宋爲巫山縣今屬夔州府此  
亦在荊州域且在和川水東幾二千里乃總撮而書之  
曰和夷乎夷字蔡主地言晁主水言俱屬妄謬所云和  
川亦非是閻先生從和川其說據寰宇記云和川路在  
嚴道縣界西去吐蕃大渡河五日程從大渡河西郭至  
吐蕃松城四日程羌蠻混雜連山接野烏路沿空不知  
里數說者謂卽書之和夷云云因謂水經言自桓水以  
南爲和夷而晉地道記言梁州南至桓水則桓水疑指  
大渡河河之南爲今建昌衛宋欽祖以玉斧畫而棄之

者蓋卽古之和夷不知水經注明言夷卽蜀山桓水今乃強指爲和川大渡其誤顯然胡先生則以和爲泚以漢志泚水爲唐宋之大渡河卽和夷之和以漢志大渡河爲宋之和川非和夷之和其說謂漢志青衣縣禹貢蒙山溪大渡水東南至南安入泚泚水出汶江縣徼外南至南安東入江泚乃泚字之誤說文泚水出蜀汶江徼外東南入江从水我聲徐鉉音五何切故知泚當作泚和夷者泚水南之夷也汶江今茂州是南安今嘉定府治是水經江水東西過犍爲武陽縣青衣水沫水從西南來合而注之此卽二水會泚水入江處也注云江

水自武陽東至彭亡聚曰外水又東南逕南安縣縣治  
青衣江會衿帶二水縣南有峨眉山有蒙水卽大渡水  
也水發蒙溪東南流與泚水合水出徼外逕汶江道呂  
忱曰泚水出蜀許慎以爲泚水也以水我聲南至南安  
入大渡水大渡水又東入江也班固謂大渡入泚道元  
謂泚入大渡然泚水源長當以漢志爲正道元敘泚水  
甚略自漢志泚誤作泚而師古音哉世遂不知有泚水  
徒以其下流與南安之沫水號爲大渡者合而入江因  
目泚水曰大渡河元和志云黎州西至廊清城一百八  
十里其城西臨大渡河河西生羌蠻界又云通望縣北

至黎州九十里大渡水經縣北二百步唐人所言大渡河卽漢志泅水出汶江徼外之羊膊嶺此水之南卽經所謂和夷也方輿勝覽云大渡河于黎州爲南邊要害地建隆三年王全斌平蜀以圖來上議者欲因兵威復越嶲藝祖以玉斧畫此河曰外此吾不有也于是爲黎之極邊和夷在大渡河南馬湖江北爲宋祖玉斧畫而棄之者無疑若和川則寰宇記云和川路在雅州嚴道縣界西至吐蕃大渡河五日程又云和川水在榮經縣北九十里從羅巖古蠻州東流來晁以道因謂和川卽禹貢之和水而曾取從之曰自嚴道而西地名和川夷



人居之今爲羈縻州者三十有七則經所謂和夷者也  
林之奇亦云今雅州猶有和川鎮卽和夷故地案新志  
沫水在天全州北而和川水在其南源出蠻界一名始  
陽河東流過碣門爲多功河又東經蘆山縣與沫水合  
出飛仙關入雅州是和川水乃沫水之別源疑卽漢志  
所謂大渡水者其下流仍爲青衣沫水與泔水合也經  
文簡嚴如和夷果在雅州界中則蔡蒙旅平足以包之  
何必更書曰和夷底績乎和夷固當在泔水之南離蒙  
蔡自爲一地也寰宇記云大渡河一名沫水在羅目縣  
南源出舊州界來經縣東入龍游縣界則又誤以沫水

爲唐之大渡河矣嘗因是思之當時必有以唐之大渡河爲和水者而志家攷之不詳以漢志所謂大渡水者當之名曰和川水樂史承其誤相沿至今然和川水出羅巖蠻界歷碉門蘆山而東泚水出汶江徼外歷通望漢源而東一在雅一在黎在雅州者爲漢之大渡水卽和川也在黎者爲唐之大渡河卽泚水也源委各殊不可混而爲一其鮮水入若水一名州江大度者則又自爲一水而與黎雅之大渡不相涉矣胡先生謂泚水乃泚水之譌漢志泚水卽唐宋大渡河是矣至云漢志大渡水卽宋和川水是非不可得詳獨是以和爲泚出自

臆度且漢志明著禹貢桓水出蜀山行羌中入南海竝  
非泚與大渡況此水旣行羌中入南海則下文西傾因  
桓是來浮于潛逾于沔云云必不可指爲此水而古字  
和桓相通其證甚多則知此和夷之和斷以鄭注爲確  
又元和志謂蜀山桓水在茂州則與黎水亦相附近而  
斷斷不可指爲泚水大渡和川者則以蜀山桓水入南  
海而諸水入江必非一水也

鶴壽案漢志云蜀郡禹貢桓水出蜀山西南行羌中

入南海水經云桓水出岷山岷山卽蜀山也桓水卽大  
金沙江也番名雅魯藏布江源出西藏西界卓書特部  
落西北三百五十里達木楚克哈巴布山東北流合江  
加蘇木拉河又東合阿拉楚河又東有那烏克藏布必  
拉河東北來注之又東南有郭永河東南來注之又東  
南折東有薩楚藏布河東北來注之又東有雍出河南

來注之又東有武爾的河南來注之又東有滿楚歲布  
河北來注之又東有阿里宗河東南來注之又東有折東北有  
隆爾格必拉河東南來注之又東南有加木祖池水南  
來注之又東北有莽喝拉河南來注之又東北有章喀  
則城北又東北有敦格必拉河西北來注之又東北有  
盆蘇克靈城北又東北有婆色納木山河南來注之又  
北有戒忒楚河北來注之又東有打克北朋楚河北來  
注之又東有薩布河南來注之又東有打克北朋楚河北  
在衛地西南五百餘里今班禪所居也喇薩唐時吐番  
國都今達刺所居也又東有年楚河南來注之又東北  
有尚那木林河北來注之又東有年楚河南來注之又東北  
烏爾克河北來注之又東有年楚河南來注之又東北  
注之又東北有捏木河西來注之又東有年楚河南來  
北又東北有楚舒爾城南又東南有折東南有爾公噶爾城  
北而與噶爾招木倫江會又東有年楚河南來注之又  
乃布冬城北又東有巴楚河北來注之又東南有爾公噶  
南也勒庫城北又東有年楚河南來注之又東南有爾公  
楚河東北來注之又東有年楚河南來注之又東南有爾  
之東北當波衣孤魯那木加城打克布同春城打克布  
衣那城之北約數百里有年清河河北來注之又東有

母哈廟北合薩母龍拉水又東南逕森打馬廟西禿哥里山西南南流入羅喀布占國界而與岡布藏布河會又東南與朋出藏布河會折西南入厄納特克國而入于南海桓水源流在今四川雲南西邊徼外和夷爲近桓水之夷則唐之吐番今之西藏是也

織皮西傾因桓是來

梁州織皮鄭屬下西傾爲句以桓是爲隴坂名雍戎二野之閒人有事于京師者道常由此州而來是氏同巴蜀名山岸脅旁箸欲落者曰氏此坂盤桓旋曲而上故名桓是織皮戎也西傾雍也故曰二野西傾漢志在隴西郡臨洮縣西南臨洮今甘肅洮州廳治所三面臨番南與四川松潘廳接界外連蒙古邊境山在界內隴阪

在今鞏昌府隴西縣東至隴州开陽一路此經言由西  
傾因阪以浮于潛水則當由今洮州廳東北行歷鞏昌  
府之漳縣伏羌縣秦州之禮縣至西和縣浮西漢水以  
入沔但下文浮潛逾沔自是禹巡行州境非爲欲達帝  
都此因桓是來與下浮潛各爲一截鄭解此節雍戎之  
人有事京師則自桓是而浮潛以至亂沔自是入京之  
道與下文不連屬也僞孔傳以織皮屬上熊羆狐狸爲  
句以四獸爲貢皮以織皮爲屬疏曲附之然經文但舉  
四獸何以知其貢皮雍州織皮與昆侖析支渠搜連文  
不爲貢物則此亦當與西傾連文不爲貢物可知然傳

說所織者尚爲泛指獸毛蔡傳乃用曾氏說云熊羆狐狸四獸之皮可製以爲裘其毳毛可織以爲罽更爲穿鑿傳以桓爲水名謂桓水自西傾山南行因桓水是來但出蜀山之桓水以解和夷則可若云自西傾因此水而來則此水乃行羌中入南海不入中國何由而來且何由而浮潛水乎疏亦知其不通而附會以爲初發西傾未有水南行得桓水攷元和志蜀山桓水在茂州今西傾在洮州西南距茂州千餘里何云因乎閻氏亦從此說而欲改經文西傾爲西戎無論經不可改卽作西戎而桓水不入中國豈得以浮潛水乎